



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtb@jtb.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtb@jtb.ba

Broj: T18 0 KT 0014519 20
Brčko, 11.11.2021. godine

Na osnovu člana 35. stav 2. tačka i) i člana 226. stav 1. Zakona o krivičnom postupku Brčko distrikta BiH, podižem

OPTUŽNICU

Protiv:

H.M. i A.B. ...

Što su:

Dana 04.07.2020. godine, oko 21,00 sati, u mjestu Gornji Rahić, Brčko distrikt BiH, u blizini ugostiteljskog objekta „...“, nakon svađe sa M. Š. i S. Š., u namjeri da ih tjelesno povrijede, A.B. je S.Š. nogom i zatvorenom šakom zadao udarce u predjelu glave i tijela i tako mu nanio lake tjelesne povrede u vidu udarca u slabinskom dijelu kičme i udarca u lijevu stranu vrata, te oguljotine kože na nosu i desnom koljenu, dok je H.M. drvenom motkom M.Š. zadao udarac u predjelu glave i nanio mu lake tjelesne povrede u vidu udarca i oguljotine kože potiljačnog dijela glave, nakon čega su H.M. i A.B., s namjerom da oštete M.Š. putničko motorno vozilo marke „Opel kadet“, crvene boje, registarskih oznaka E.-T-..., drvenom motkom razbili prednje i zadnje vjetrobransko staklo vozila, čime je M. Š. oštećen za novčani iznos od oko 150,00 KM,

dakle, drugog lako tjelesno povrijedili i oštetili tuđu stvar,

čime su kao saizvršioци počinili krivično djelo –Laka tjelesna povreda- iz člana 170. stav (1) i krivično djelo –Oštećenje tuđe stvari– iz člana 287. stav (1) u vezi sa članom 31. i 54. Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
